



Direktor **SIPA-e Perica Stanić** za „Dnevni avaz“

Nismo saslušavali Dodika!

Siniša Dodik bio pod istragom zbog izborne prevare na području općine Istočna Ilidža tokom lokalnih izbora 2016.

Direktor **Državne agencije za istrage i zaštitu (SIPA)** **Perica Stanić** rekao je za „Dnevni avaz“ da niko u ovoj ustanovi nije saslušavao Sinišu Dodika, koji je pod istragom zbog trgovine utjecajem i izborne prevare.

Davanje dara

- Sinišu Dodika nije niko saslušavao u **SIPA-i**. Ne znam zašto je neko to objavio. Mi nismo to objavili i ne znam na osnovu čega je ta informacija puštena u javnost - kazao je **Stanić** za „Avaz“.

Mediji su prije nekoliko dana objavili da se Dodik u pratnji branioca javio istražiteljima koji rade na njegovom predmetu. Isti izvori naveli su da je Dodik pono-

vo pušten kući, uz dogovor da će u narednim danima dobrovoljno doći na saslušanje u Tužilaštvo BiH. Stanić ističe da to nije tačno.

Dodik je zajedno s Radenom Mirkovićem (50) privođen 8. oktobra 2016. godine.

Iz Tužilaštva BiH tada je saopćeno da su obojica pod istragom i da su počinila krivično djelo izborne

prevare na području općine Istočna Ilidža tokom lokalnih izbora 2016.

Dodik se našao i pod istragom zbog sumnje da je počinio krivično djelo davanja dara ili drugih oblika koristi za trgovinu utjecajem.

Radi se o aferi u kojoj je **SIPA** uhapsila Duška Lazarevića i Dragana Vukajlovića, službenika Ureda za razmatranje žalbi BiH, koji

je navodno od Dodika primio 40.000 KM mita kako bi njegovoj firmi „Elektronion“ omogućio da nezakonito stekne 3,5 miliona maraka na štetu „Puteva RS“.

Dvojica uhapšenih

Neposredno prije nego što su oni uhapšeni, Dodik je pobjegao u Srbiju.

Sporni novac „Puteva RS“ na osnovu rješenja Ureda za razmatranje žalbi isplatili su firmi „Elektronion“, a da sudski spor između tih preduzeća nije bio okončan. Potom je Sud BiH poništio to rješenje i naložio da novac bude vraćen „Putevima RS“, do čega nije došlo jer na računu „Elektroniona“ novca nije bilo. **G.D.**



Stanić: Ne zna odakle informacija medijima